

## ნარჩენების მართვის კოდექსის თანახმად დაკისრებული ვალდებულებები

### ❖ გარემოსდაცვითი მმართველი

- ფიზიკური ან იურიდიული პირი, რომლის საქმიანობის შედეგად წლის განმავლობაში 200 ტონაზე მეტი არასახიფათო ნარჩენი ან 1000 ტონაზე მეტი ინერგული ნარჩენი ან ნებისმიერი რაოდენობის სახიფათო ნარჩენი წარმოიქმნება, ვალდებულია განსაზღვროს **გარემოსდაცვითი მმართველი** და ინფორმაცია მისი ვინაობის შესახებ (სახელი და გვარი) დაუყოვნებლივ (2016 წლის 1 თებერვლამდე) აცნობოს საქართველოს გარემოსა და ბუნებრივი რესურსების დაცვის სამინისტროს<sup>1</sup>.
- კომპანიის გარემოსდაცვითი მმართველის განსაზღვრის ან/და მისი ვინაობის სამინისტროსთვის შეტყობინების ვალდებულების შეუსრულებლობა გამოიწვევს დაჯარიმებას 200 ლარის ოდენობით<sup>2</sup>.
- აღნიშნული ვალდებულება და მის შეუსრულებლობასთან დაკავშირებული სანქციები ძალაში შედის **2016 წლის 1 თებერვლიდან**<sup>3</sup>.

### ❖ ნარჩენების ნუსხის განსაზღვრა და კლასიფიკაცია

- ნარჩენების წარმომქმნელი ვალდებულია მოახდინოს **ნარჩენების კლასიფიკაცია** 2015 წლის 17 აგვისტოს N426 დადგენილებით განსაზღვრული წესის შესაბამისად<sup>4</sup>.
- ნარჩენების წარმომქმნელი ვალდებულია შეუქმუშაოს და საქართველოს გარემოსა და ბუნებრივი რესურსების დაცვის სამინისტროს წარუდგინოს ნარჩენების **პირველადი ინვენტარიზაციის დოკუმენტი** ამავე დადგენილების III დანართის შესაბამისად, ელექტრონული ფორმით, სამინისტროს ოფიციალური ვებ-გვერდის მეშვეობით<sup>5</sup>.
- ნარჩენების წარმომქმნელი ვალდებულია ნარჩენების პირველადი ინვენტარიზაციის დოკუმენტი წარადგინოს საქართველოს გარემოსა და ბუნებრივი რესურსების დაცვის სამინისტროში **2016 წლის 1 თებერვლიდან 2016 წლის 31 ივლისის ჩათვლით**.

<sup>1</sup> ნარჩენების მართვის კოდექსის მე-15 მუხლი

<sup>2</sup> ნარჩენების მართვის კოდექსის 42-ე მუხლი

<sup>3</sup> ნარჩენების მართვის კოდექსის 50-ე მუხლის მე-2 ნაწილი

<sup>4</sup> „სახეობებისა და მახასიათებლების მიხედვით ნარჩენების ნუსხის განსაზღვრისა და კლასიფიკაციის შესახებ“ საქართველოს მთავრობის 2015 წლის 17 აგვისტოს N426 დადგენილების მე-4 მუხლი

<sup>5</sup> „სახეობებისა და მახასიათებლების მიხედვით ნარჩენების ნუსხის განსაზღვრისა და კლასიფიკაციის შესახებ“ საქართველოს მთავრობის 2015 წლის 17 აგვისტოს N426 დადგენილების მე-7 მუხლი

<sup>6</sup> „სახეობებისა და მახასიათებლების მიხედვით ნარჩენების ნუსხის განსაზღვრისა და კლასიფიკაციის შესახებ“ საქართველოს მთავრობის 2015 წლის 17 აგვისტოს N426 დადგენილების მე-9 მუხლი

❖ **ნარჩენების აღრიცხვა და ანგარიშგება**

- ნარჩენების აღრიცხვისა და სამინისტროს წინაშე ანგარიშგების ვალდებულება ეკისრებათ ფიზიკურ და იურიდიულ პირებს, რომელთა სამეწარმეო საქმიანობა დაკავშირებულია ნარჩენების შეგროვებასთან, გრანსპორტირებასთან ან/და დამუშავებასთან; ან/და რომელთა საქმიანობის შედეგად წლის განმავლობაში 2 ტონაზე მეტი არასახიფათო ნარჩენი (გარდა მუნიციპალური ნარჩენებისა) ან ნებისმიერი რაოდენობის სახიფათო ნარჩენი წარმოიქმნება<sup>7</sup>.
- ნარჩენების აღრიცხვისა და ანგარიშგების ვალდებულების შეუსრულებლობა გამოიწვევს დაჯარიმებას 200 ლარის ოდენობით<sup>8</sup>.
- ზემოაღნიშნული ვალდებულება და მის შეუსრულებლობასთან დაკავშირებული სანქციები ძალაში შედის 2016 წლის 1 აგვისტოდან<sup>9</sup>.

❖ **კომპანიის ნარჩენების მართვის გეგმა**

- ფიზიკური ან იურიდიული პირი, რომლის საქმიანობის შედეგად წლის განმავლობაში 200 ტონაზე მეტი არასახიფათო ნარჩენი ან 1000 ტონაზე მეტი ინერგული ნარჩენი ან ნებისმიერი რაოდენობის სახიფათო ნარჩენი წარმოიქმნება<sup>10</sup>, ვალდებულია დადგენილი წესის<sup>11</sup> შესაბამისად შეიმუშაოს კომპანიის ნარჩენების მართვის გეგმა და წარუდგინოს შესათანხმებლად საქართველოს გარემოსა და ბუნებრივი რესურსების დაცვის სამინისტროს. მოთხოვნის შემთხვევაში გეგმა ხელმისაწვდომი უნდა იყოს დაინტერესებული მუნიციპალიტეტისთვის და სხვა პირისთვის.
- კომპანიის ნარჩენების მართვის პირველი გეგმა უნდა შემუშავდეს 2016 წლის 31 დეკემბრამდე<sup>12</sup>.
- მუნიციპალიტეტის მოთხოვნის შემთხვევაში კომპანიის მიერ კომპანიის ნარჩენების მართვის გეგმის მიუწოდებლობა გამოიწვევს დაჯარიმებას 200 ლარის ოდენობით. კომპანიის ნარჩენების მართვის გეგმის დადგენილ ვადაში წარუდგენლობა გამოიწვევს დაჯარიმებას 250 ლარის ოდენობით<sup>13</sup>.

<sup>7</sup> ნარჩენების მართვის კოდექსის 29-ე მუხლის და „ნარჩენების აღრიცხვის წარმოების, ანგარიშგების განხორციელების ფორმისა და შინაარსის შესახებ“ საქართველოს მთავრობის 2015 წლის 11 აგვისტოს N422 დადგენილების მე-3 მუხლი

<sup>8</sup> ნარჩენების მართვის კოდექსის 44-ე მუხლი

<sup>9</sup> ნარჩენების მართვის კოდექსის 50-ე მუხლის მე-3 ნაწილი

<sup>10</sup> ნარჩენების მართვის კოდექსის მე-14 მუხლი

<sup>11</sup> „კომპანიის ნარჩენების მართვის გეგმის განხილვისა და შეთანხმების წესის დამტკიცების შესახებ“ საქართველოს გარემოსა და ბუნებრივი რესურსების დაცვის მინისტრის 2015 წლის 4 აგვისტოს N211 ბრძანება

<sup>12</sup> ნარჩენების მართვის კოდექსის 48-ე მუხლის მე-4 ნაწილი

<sup>13</sup> ნარჩენების მართვის კოდექსის 43-ე მუხლი

## ❖ სახიფათო ნარჩენების სეპარირებისა და შეგროვების სისტემა

- ნარჩენების წარმომქმნელი, რომელიც წლის განმავლობაში 2 ტონაზე მეტ სახიფათო ნარჩენს წარმოქმნის, ვალდებულია შექმნას და დანერგოს **სახიფათო ნარჩენების სეპარირებისა და შეგროვების სისტემა**<sup>14</sup>; კოდექსის შესაბამისად განსაზღვროს გარემოსდაცვითი მმართველი, რომელიც პასუხისმგებელი იქნება სახიფათო ნარჩენების უსაფრთხო მართვისათვის შესაბამისი ზომების მიღებისთვის; უზრუნველყოს სახიფათო ნარჩენებთან მომუშავე პერსონალის ინფორმირება და შესაბამისი სწავლების ჩატარება.
- სახიფათო ნარჩენებთან მომუშავე პერსონალის ინფორმირებისა და შესაბამისი სწავლების ჩატარების ვალდებულების შეუსრულებლობა გამოიწვევს დაჯარიმებას 200 ლარის ოდენობით; ხოლო სახიფათო ნარჩენების სეპარირებისა და შეგროვების სისტემის შექმნისა და დანერგვის ვალდებულების შეუსრულებლობა გამოიწვევს დაჯარიმებას 600 ლარის ოდენობით .
- გემთაღნიშნული სანქციები და სახიფათო ნარჩენების სეპარირებისა და შეგროვების სისტემის შექმნის და დანერგვის სისტემის ვალდებულება ძალაში შედის **2017 წლის 1 თებერვლიდან**<sup>16</sup>.

დამატებითი ინფორმაციისათვის მიმართეთ გარემოსა და ბუნებრივი რესურსების დაცვის სამინისტროს ნარჩენებისა და ქიმიური ნივთიერებების მართვის სამსახურს: ტელ: 2 727227

---

<sup>14</sup> ნარჩენების მართვის კოდექსის მე-18 მუხლი

<sup>15</sup> ნარჩენების მართვის კოდექსის 45-ე მუხლი

<sup>16</sup> ნარჩენების მართვის კოდექსის 50-ე მუხლის მე-5 ნაწილი